



1. Banjalučki dani kviza  
Dom omladine, Banja Luka,  
12-13. april 2025.



# Kviz parova

Imena igrača: \_\_\_\_\_  
\_\_\_\_\_

Broj bodova: \_\_\_\_\_

## Autori:

- Valentina Pudar
- Arandjel Smiljanić
- Duško Veselinović
- Dejan Mitrović
- Jovan Sajlović

## Pravila:

Vrijeme izrade je 50 minuta. Nakon završetka, mijenjate šablone sa parom do sebe i počinjemo sa pregledanjem. Ne postoje polovični odgovori, ako se u pitanju traže dva odgovora, oba moraju biti ispravna za 1 bod. Ukoliko više parova bude imalo isti broj bodova, poredak će odlučivati pitanje procjene.



Zapratite nas na Instagramu [@kvizubl](https://www.instagram.com/kvizubl), a ako ste malo žešći kviz entuzijasti, onda tamo možete naći i popuniti zahtjev za članstvo u naše udruženje. :-)

<b>Procjena:</b> Prema Ginisovoj knjizi rekorda, koji je rekord po količini padavina u jednom mjestu, u periodu od 24 sata? (u mm)		
1.	Po kojem...pardon, kojEM <b>naučniku</b> nosi ime zakon koji objedinjuje jačinu električne struje, električni napon i električni otpor? Mjerna jedinica posljednje navedene veličine takođe duuguje ime istom naučniku.	
2.	Spajanjem dviju ključnih automobilskih kompanija i njihovih znakova: Daimler-Motoren-Gesellschaft (DMG) čiji je znak, trokraka zvijezda, simbolisao primjenu njegovih motora na kopnu, moru i u vazduhu i Benz & Cie čiji je znak bio lovorov vijenac, nastaje nova <b>automobilska kompanija</b> , jedna od najpopularnijih danas, sa jednim od najprepoznatljivijih zaštitnih znakova. O kojoj kompaniji je riječ?	
3.	Kako se zove poznati <b>katalonski arhitekta</b> , čija se djela nalaze u Barseloni, a najpoznatija je crkva Sagrada Familia?	
4.	U kojem <b>okeanu</b> se nalazi Sargaško more, jedino svjetsko more koje nema obale budući da je omeđeno morskim strujama?	
5.	Kako se jednom riječi, naziva <b>tehnika</b> kojom se na prozorima katedrala stvaraju prozirni mozaici sačinjeni od staklenih dijelova, međusobno povezanih olovnim trakama?	
6.	Kevin Ashman i Ronny Swiggers su među najvećim ikad, dok je aktuelni svjetski šampion Victoria Groce. U kojoj <b>zabavno-socijalnoj disciplini</b> se oni takmiče? Kod nas je ta disciplina, očigledno, sve popularnija posljednjih godina...	
7.	Primjereno za 7. pitanje... Koji <b>crtani film</b> iz 1937. je bio prvi dugometražni crtač u produkciji Volt Diznija, pa čak i prvi takav uopšte, u SAD-u? Baziran je na jednoj od najpoznatijih bajki braće Grim iz 1812. godine.	
8.	Od italijanske riječi za „rastući“: kako se naziva <b>muzičko stilsko sredstvo</b> u kome se jednostavna tema ponavlja, sa postepenim pojačavanjem tona?	
9.	Kako se u fizici naziva još uvijek relativno mlada <b>teorija</b> , koja pokušava da spoji kvantnu mehaniku sa opštom teorijom relativnosti Alberta Ajnštajna? Naziv potiče od elementarnih čestica, koje su u ovoj teoriji modelovane kao jednodimenzionalni <b>žičani</b> objekti, za razliku od tradicionalnih elementarnih čestica nulte dimenzije...	
10.	Koja <b>dva slova</b> su zajednička službenom nazivu glavnog grada koji se nalazi na 38°53'42" sjeverne geografske širine i 77°02'12" zapadne geografske dužine, bendu koji u dijelu svog naziva ima englesku skraćenicu za jedno od Teslinih najvećih otkrića, kao i kompanije koja je autor likova kao što su Arthur Curry i Diana Prince?	
11.	Koji je naziv najpopularnijih i najčitanijih <b>sportskih novina</b> u Španiji, ako znamo da je u transkripciji na naš jezik to ujedno i drugi dio naziva nekadašnje evropske novčane valute, kao i drugi dio naziva jedne aktuelne novčane valute?	
12.	Iako se kod nas za nešto što se vjerovatno nikad neće desiti kaže da će se desiti u "limburgu mjesecu", oblast Limburg evidentno postoji i dijele je koje <b>dvije države</b> ?	
13.	Kako se naziva <b>udarac</b> , obično u rukometu ili vaterpolu, kod koga je igrač okrenut licem od gola?	
14.	Najveća borba hranom na svijetu se održava jednom godišnje od 1945. godine i to posljednje srijede u avgustu, na festivalu u Bunjolu, gradiću blizu Valensije, a tom prilikom učesnici se gađaju – <b>čim</b> ?	

15.	Koji <b>muzičar</b> je napisao pjesmu <i>Šta će mi život</i> , veliki hit u izvođenju Silvane Armenulić? (SLIKA)	
16.	Fieldsovu i Abelovu medalju mogu osvojiti stručnjaci iz koje <b>oblasti</b> ?	
17.	Koji <b>film</b> iz 1994. godine, u režiji Frenka Darabonta, je najbolje ocijenjen film u historiji kinematografije, sa prosječnom ocjenom 9.3, prema mišljenju 3 miliona korisnika IMDb (The Internet Movie Database)?	
18.	Kog <b>dana u sedmici</b> počinje sabbat ili šabat, dan u sedmici kada Jevreji ništa ne rade, već se posvećuju slavljenju Boga?	
19.	Mičoakan (zvanično Mičoakan de Okampo) je savezna država (federalna jedinica) koje <b>latinoameričke države</b> ?	
20.	Claes Oldenburg, Roy Lichtenstein i Andy Warhol su neki od najpoznatijih predstavnika kog <b>pravca u umjetnosti</b> ?	
21.	Nakon što je unukvadijum (Uuq) preimenovan u Flerovium (Fl), slovo Q(q) ne možemo više pronaći među simbolima periodnog sistema elemenata. Postoji još jedno <b>slovo engleske abecede</b> koje se ne pojavljuje ni u jednom simbolu... Koje?	
22.	Belgija je poznata kao zemlja koja je iznjedrila mnoge legendarne stripove, pa tako imamo Štrumpfove, Taličnog Toma, Gastona... Kojem <b>naslovnom stripovskom junaku</b> je posvećen briselski mural sa slike? Uz traženog lika na muralu vidimo i kapetana Hadoka, a obojica su nastali iz maštovite olovke Žorža Remija, poznatijeg pod pseudonimom Erže. (SLIKA)	
23.	Najveći uspjeh Luksemburga u fudbalu ostvaren je 1964. godine kada su se plasirali u četvrtfinale Kupa evropskih nacija (preteče današnjeg Evropskog prvenstva), gdje su ispali od Danske. Koju <b>veliku evropsku reprezentaciju</b> su prethodno izbacili? Interesantno je i to da je Luksemburg svoj domaći meč protiv te reprezentacije igrao baš u toj zemlji, isto kao i treću, odlučujuću utakmicu protiv Danske?	
24.	Koji <b>narod</b> bez svoje države predstavlja najbrojniju manjinu u sjeverozapadnom dijelu Sardinije, sa koncentracijom u Algeru, drugom po veličini naselju okruga Sassari?	
25.	Prepoznajte <b>glumicu</b> na osnovu filmova. (SLIKA)	
26.	Koji <b>srpski književnik i slikar</b> je autor pjesme <i>Na Liparu</i> ?	
27.	U kojem <b>gradu</b> je održano najviše crkvenih vaseljskih sabora? (od sedam, tamo ih je održano tri)	
28.	Prezime četvorostruke osvajačice GRAMMY-ja za najbolji album godine (posljednji 2024. godine) je identično modelu koje <b>marke automobila</b> ?	
29.	Koja <b>dva germanska plemena</b> su odvojeno i u dva navrata (410. i 455. godine) osvojili, opustošili i opljačkali Rim?	
30.	Avionska nesreća iz februara 1959. godine u kojoj su stradali Badi Holi, Big Boper i Riči Valens, poslužila je kao inspiracija za jednu pjesmu Dona Meka Lina iz 1971. godine, u kojoj se više puta ponavlja stih „the day that music died“, aludirajući na pomenutu nesreću. O kojoj <b>pjesmi filmskog naziva</b> je riječ?	
31.	Koju <b>karipsku državu</b> je najviše pogodio tropski uragan Džin septembra 2004. godine, pri čemu je nastradalo gotovo 2000 ljudi, uz ogromnu materijalnu štetu?	
32.	Adžman, Fudžaira, Ras al-Kajma, Šardža, Um al-Kuvain. Fale <b>2</b> najpoznatija. Koja?	

33.	Koji <b>alkohol</b> , molekularne formule $C_3H_8O_3$ , ima široku primjenu u farmaceutskoj industriji, gdje se koristi u proizvodnji krema, sapuna, kao lubrikant i laksativ, a najpoznatiji je kao komponenta lijeka koji se propisuje za liječenje srčanih problema? Od pomoći može biti ako znate da po ovom alkoholu naziv nosi i jedna od najpoznatijih pjesama londonske rock grupe Bush.	
34.	Po ovoj <b>tehnici kuvanja</b> u kojoj se hrana peče ili prži na žaru s glazurom sojinog umaka, mirina, koji predstavlja zamjenu za rižino vino, i šećera, naziv nosi sos koji se obično povezuje s japanskom kuhinjom, a često se koristi u drugim azijskim kuhinjama kao što su kineska, indonezijska i tajlandska. Kod nas je ovaj sos poznat kao jedan od ukusa ZIGI kikirikija. Kako glasi ime ovoj kulinarskoj tehnici, odnosno sosu?	
35.	Ko je <b>autor</b> slike <i>Bogorodica u pećini</i> , koja se danas čuva u Luvru, a nastala je oko 1485. godine?	
36.	Ova multitalentovana <b>umjetnica</b> multietničkog porijekla nam ne mora biti poznata pod imenom Maree Stoermer Coleman, ali ako znamo da ima nigerijsko-škotsko-njemačko porijeklo, da je glumica i pjevačica koja je karijeru počela kao dječiji model i plesačica, da je glumila u adaptacijama <i>Dine</i> iz 2021. i 2024. godine, te da je dobitnica Zlatnog globusa za najbolju glavnu glumicu u dramskoj seriji <i>Euphoria</i> , onda smo morali čuti za njeno ime koje glasi kako?	
37.	Koja <b>američka književnica</b> je autorka serijala <i>Sumrak (Sumrak saga)</i> , prodatog u preko 42 miliona primjeraka?	
38.	<b>Porodica biljaka</b> <i>Lauraceae</i> sadrži preko 50 rodova, od kojih su neki od poznatijih cimet i avokado... Kako glasi naziv te porodice na našem jeziku, ako znamo da je nazvan po jednom poznatom rodu iz te porodice koji nismo naveli?	
39.	Od sedam neprijateljskih ofanziva, <b>koja je po redu</b> bila Bitka na Neretvi (Bitka za ranjenike) koja se odvijala u prvim mjesecima 1943. godine?	
40.	Iz koje <b>države</b> je Gabriela Mistral, dobitnica Nobelove nagrade za književnost 1945. godine?	
41.	Neobična <b>morska životinja</b> , koja pripada porodici riba, je jedina vrsta gdje mužijaci u svojoj trbušnoj vrećici čuvaju larve i kada dovoljno odrastu ispuštaju ih u more. Kako se ona zove? (tražimo odgovor od dvije riječi)	
42.	Kojem <b>francuskom vladaru</b> iz XIX vijeka se pripisuje autorstvo nad zastavom Andore? (obavezno navesti i redni broj uz njegovo ime)	
43.	Prepoznajte <b>pjesnika</b> na osnovu stihova: <i>Ostajte ovdje! Sunce tuđeg neba Neće vas grijati k'o što ovo grije Gorki su tamo zalogaji hljeba Gdje svoga nema i gdje brata nije</i>	
44.	Iako je uglavnom svirao nešto drugačije žanrove, kako se zove najpoznatiji <b>(starogradski) narodnjak</b> Nikole Pejakovića, ako znamo da se u nazivu pjesme pojavljuje jedan odjevni predmet određene boje? Možda vam može pomoći i to da je Severina snimila svojevrstu obradu te pjesme.	
45.	Ko je <b>glavni muški lik</b> romana <i>Žerminal</i> , autora Emila Zole?	

46.	Koji <b>grad</b> je bio centar drevne kritske kulture, a u njemu se nalazila i palata zamršenih hodnika, koja je inspirisala i mit o Dedalovom lavirintu?	
47.	Kako se zove <b>vrsta kita</b> koja je prisutna u morskim područjima oko Kanade, Rusije, Norveške, Japana, SAD (Aljaska), a ime je dobio po jednom poznatom velikom ostrvu?	
48.	Na balu koji donosi preokret u životu Ane Karenjine, ona se pojavila u somotnoj haljini, privlačeći poglede prisutnih, pa i grofa Vronskog. <b>Boja njene haljine</b> je?	
49.	Na sjeveru koje <b>afričke države</b> se nalaze dijelovi Sahare s planinama Tibesti i zaravni Ende? (SLIKA)	
50.	Koji <b>narod</b> je naseljavao tropske šume Meksika, oko Meksičkog zaliva, i dominirao ovom teritorijom od 1200. do 500. godine p.n.e?	
51.	Opata Fariju, izuzetno obrazovanog sveštenika kojeg su zatvorski upravitelji smatrali ludakom jer je stalno spominjao ogromno blago, je tumačio u filmskoj adaptaciji <i>Grofa Monte Kristo</i> iz 2002. godine. O kojem <b>irskom glumcu</b> je riječ, ako znamo da je tumačio lik Albusa Dambldora u prva dva nastavka sage o <i>Hariju Poteru</i> , kao i lik Marka Aurelija u filmu <i>Gladijator</i> iz 2000?	
52.	Tokom vrlo uzbudljivog finala Eura 2004. godine, na prilično iznenađenje ljubitelja najvažnije sporedne stvari na svijetu, golom Angelosa Haristeasa u 57. minuti, selekcija Grčke je savladala Portugal i okitila se titulom prvaka Starog kontinenta. Koji je <b>fudbalski stručnjak</b> tada predvodio grčku selekciju?	
53.	Pod kojim imenom nam je poznat <b>sirijski ljekar</b> iz Antiohije, prema nekim predanjima autor (pored svih ostalih) i <i>Priče o odbjeglom sinu</i> i <i>Priče o fariseju i cariniku</i> ?	
54.	Postojali su u periodu 1926-2010. godina i bili su dio koncerna General Motors. Neki od njihovih uspješnih modela su se zvali Firebird, Tempest, Trans Am. O kojem <b>brendu</b> je riječ, ako znamo da je dobio ime po poglavici Otava Indijanaca iz 18. vijeka.	
55.	Andrij Mihajlovič Danilko, pjevač, glumac i komičar, poznatiji nam je po svojoj „dreg personi“ sa kojom je 2007. godine osvojio 2. mjesto na Eurosongu. Kako se zove njegova „ <b>dreg persona</b> “?	
56.	Na Šahovskoj olimpijadi u Moskvi 1994. Bosna i Hercegovina je postigla veliki uspjeh. Koje <b>mjesto</b> su zauzeli Predrag Nikolić, Ivan Sokolov, Bojan Kurajica, Emir Dizdarević, Nebojša Nikolić i Rade Milovanović?	
57.	Braća Karamazovi su Dmitrij, Ivan i <b>najmlađi</b> ?	
58.	Kako se zove <b>serija od 19 klavirskih kompozicija</b> Franca Lista, inspirisanih narodnim motivima, i objavljivanih u 4 navrata, od 1851. do 1886. godine? Najpoznatije su kompozicije pod brojevima 2 i 6. (tražimo odgovor od 2 riječi)	
59.	Koga je pobijedio Barak Obama na izborima održanim u novembru 2012. godine, ako znamo da je to bio <b>republikanski kandidat</b> iz Masačusetsa? (SLIKA)	
60.	Bez znanja geografije, na prvu bismo vjerovatno pomislili da je Bizmarkov masiv smješten negdje u današnjoj Njemačkoj. Međutim, smješten je na drugom kraju planete i sa svojim Vilhelmovim vrhom predstavlja najvišu tačku kojeg <b>ostrva</b> ?	

61.	Pobjedu na prvom Hopman kupu u tenisu su 1989. godine Čehoslovačkoj donijeli Helena Sukova, specijalistkinja za dubl, i <b>teniser</b> koji među svojim uspjesima ima zlato u singlu na Olimpijadi u Seulu, a ima i 2 poraza u finalima grend slem turnira, oba od strane Ivana Lendla... Ko je on?	
62.	Najstarije poznate afričke skulpture ljudi i životinja, pronađene van Egipta, koje potiču iz perioda oko 500. g.p.n.e, otkrivene su u oblasti Nok. Na prostoru koje današnje <b>države</b> ?	
63.	Ko je jedini <b>svjetski šampion u Formuli 1</b> , a koji je rođen na teritoriji koja je ulazila u sastav Jugoslavije (Motovun u Istri u trenutku njegovog rođenja bio je u sastavu Kraljevine Italije, ali je kasnije ušao u sastav Jugoslavije), ako znamo da se od 1995. godine bavi proizvodnjom vina u Napi, u Kaliforniji?	
64.	Popularna i od kritike pohvaljena DLC ekspanzija <i>Shadow of the Erdtree</i> , kao i "multiplayer" verzija <i>Nightreign</i> , koja bi tek trebalo da postane dostupna u maju ove godine, se naslanjaju na koju <b>akcijsku RPG video igru</b> ?	
65.	Prepoznajte <b>izvođača</b> na osnovu omota albuma. (SLIKA)	
66.	Zaključno sa 23. martom ove godine, među 20 najboljih <b>igrača pikada</b> sa PDC rang liste, kojom suvereno vlada Luk Hamfriz, našla su se svega četvorica izvan Britanije. Tu spadaju Australijanac Dejmon Heta, Dimitri van den Berg kao i Holanđanin Dani Nopert. Koji Nopertov zemljak nedostaje? Mala pomoć - trenutno se nalazi na 3. poziciji.	
67.	Iako je „prvu plastiku“ proizveo Adolf fon Bajer 1872. godine, ovaj belgijsko-američki naučnik i pronalazač je 1907. godine patentirao prvu komercijalno proizvedenu plastičnu smjesu napravljenu od formaldehida i fenola, nazvavši je svojim imenom. O kojem <b>naučniku</b> se radi?	
68.	Koja <b>kanadska književnica</b> je dvostruka dobitnica Bukerove nagrade i autor distopijske novele <i>Sluškinjina priča</i> ( <i>The Handmaid's Tale</i> )?	
69.	Kako se zove <b>britanska pjevačica i tekstopisac</b> , koja se proslavila debitantskim albumom <i>Our Version of Events</i> iz 2012. godine, te joj je tadašnja popularnost donijela nastupe i na otvaranju i na zatvaranju Olimpijskih igara u Londonu?	
70.	Sa 34 godine, kao kapetan u vojsci Burkine Faso, u jesen 2022. je došao na vlast nakon uspješno izvedenog državnog udara i od tada obavlja funkciju privremenog predsjednika države. Kako glase ime i prezime ovog <b>revolucionara</b> , trenutno najmlađeg predsjednika na svijetu?	
71.	Koji <b>srpski pisac</b> , rođen 1965. godine u Puli, je autor romana <i>U potpalublju</i> ? Za taj roman je dobio Ninovu nagradu i do danas je i dalje najmlađi dobitnik te nagrade.	
72.	Prepoznajte <b>košarkaša</b> na osnovu klubova za koje je nastupao? (SLIKA)	
73.	Iako je uhapšen u Staljinovim čistkama, uspio je preživjeti zahvaljujući svojem čvrstom držanju, vraćen je u vojsku u istom činu kao i prije hapšenja, prošao je sa uspjehom cijeli rat ispunjavajući svoju „Vojničku dužnost“, a čak je komandovao Paradom Pobjede od 24. juna 1945. godine. O kojem <b>sovjetskom vojskovođi</b> poljskog porijekla je riječ?	


74.	Snimljen po scenariju Džeroma Biksbija i u režiji Ričarda Šenkmana, koja američka <b>SF drama</b> iz 2007. godine nam kazuje priču profesora Džona Oldmana koji tvrdi da je on preistorijski čovjek star 14 000 godina?	
75.	Na društvenim mrežama i u medijima, poznatija nam je po svojem bondovskom imenu Nata Lee 007. Kako glasi ime i prezime ove <b>ruske manekenke</b> ? (SLIKA)	
76.	Tokom 1970ih godina je bio poznat zbog uloga u biografskim filmovima, a svjetsku slavu je stekao 1960ih godina kada je u spageti vesternima glumio negativce, i to Ramona Rohoa i El Indija u Leoneovoj <i>Trilogiji dolara</i> kao i El Čunča Munjoza u Damijanijevom <i>Metku za generala</i> . Kako se zvao ovaj <b>italijanski glumac</b> ? (SLIKA)	
77.	U kojem <b>ratu</b> su, boreći se na strani Mletačke Republike protiv Osmanskog carstva, poginuli uskočki junaci Petar Smiljanić, 1648. godine, i njegov sin Ilija, 1654. godine?	
78.	Njegova kraća varijanta „hankju“ kao i duža varijanta „daikju“ koriste se u kjudou, japanskoj vještini streličarstva. Kako glasi četvoroslovni naziv korišten da označi tradicionalni <b>japanski asimetrični luk</b> ? (SLIKA)	
79.	Burzum je jedan od najuticajnijih blek metal projekata, one man band koji je bio aktivan od 1991. do 2020. godine, uključujući i period 1994-2009. tokom kojeg je njegov osnivač robijao zbog ubistva i paljenja crkava. Ko je <b>osnivač projekta Burzum</b> ?	
80.	Kako se zvao <b>španski anarhista</b> , dugogodišnji pripadnik organizacija CNT/FAI, i jedan od vođa revolucije koji je poginuo u okršaju sa Frankovim trupama u Madridu novembra 1936. godine, nakon čega je sahranjen u Barseloni u prisustvu oko pola miliona ljudi?	



15.




22.



25.



49.



59.



65.

**Career history**


**As a player:**

1974–1975	Utah Stars
1975–1976	Spirits of St. Louis
1976	Buffalo Braves
1976–1982	Houston Rockets
1982–1986	Philadelphia 76ers
1986–1988	Washington Bullets
1988–1991	Atlanta Hawks
1991–1993	Milwaukee Bucks
1993–1994	Philadelphia 76ers
1994–1995	San Antonio Spurs

72.



75.



76.



78.